

元  
詩  
紀  
事

元詩紀事卷十

侯官陳衍綰

顧瑛一名阿瑛別名德輝字仲瑛崑山人舉茂才署會稽教諭辟行省屬官皆不就有玉山璞稿

蘇談顧阿瑛在元末爲崑山大家其亭館蓋有二十六處每處皆有春帖一對阿瑛手題也記必名公詩必才士雖篆隸一二字亦必選當代之筆當時如楊廉夫鄭明德張伯雨倪元鎮皆其往還客也尤密者爲秦約于立釋良琦有二妓曰小瓊花南枝秀每會必在焉後阿瑛遭亂財盡散去遂削髮爲在家僧

自題小像

儒衣僧帽道人鞋天下青山骨可埋若說向時豪傑處五陵鞍馬洛陽街

藝苑卮言吾崑山顧瑛無錫倪元鎮俱以倚卓之  
貲更挾才藻風流豪賞爲東南之冠而楊廉夫實  
主斯盟顧倪各散家貲顧畫其像題云云至今人  
傳之夫以顧倪之富與廉夫之豪縱而若此其於  
陶靖節可謂異軌同操

南濠詩話顧玉山仲瑛嘗自題小像云云人咸賞  
其達予謂仲瑛此詩不無所襲傳大士詩云道冠  
儒履釋袈裟三教原來總一家東坡獄中寄子由  
云是處青山可埋骨他時夜雨獨傷神

### 金粟冢中秋日燕集

嘉樹蔽日涼颼散煙展席藉草待月臨川簪蓋旣合飲芳  
割鮮歌斯哭斯以終餘年

綽山古佳城左股接昆丘水作青龍來九派盤遭週道人  
金粟冢在彼山之幽團團青桂樹枝葉相蜷摎石削華表  
立碑刻金窠鏤人身無百年胡乃三彭仇四大隅一矢九

丹不能瘳肉血潰臭腐不朽惟骸棄之道路傍行者得  
溺洩狐狸與蠅蚋食噉紛相讎欲貽後之人以掩面目蓋  
烏兔互出沒急行不入郵縱有萬丈繩誰能繫之留暖穴  
競螻螳涼風滅蜉蝣榮名乃何物汲汲將奚求金谷珊瑚  
樹天網一夕收美人化黃壤燕子巢空樓大印佩六國散  
金駝八騶一朝不得志車裂徇九州秦皇與漢武靈藥採  
仙洲玉棺葬地底金甌出海陬梨花自寒食夜雨鬼啾啾  
飛錢化蝴蝶走鱗驚鵲鷗混沌鑿不死倏忽何能休丈夫  
不解事老大傷白頭何如種秫米壓酒日自籌今夕三五  
夕我已爲君謀長餅貯十斛百結青絲兜截江取紫蟹攀  
樹摘紅榴周垣設茵席矮几陳脯修步登白雲屏待月豁

醉眸劃然白蝦蟆抱出黃金毬又若摩尼珠躍出驪龍湫  
吐吞大地影晃漾東南浮老兔玉杵臼搗作人間秋寶城  
三千里縮景歸遐陬宮殿魚鱗齋草木秋雲稠素娥騎彩  
鸞舞雪翻霓裳手折瓊樹花競拂金精流化爲五素芒落  
我白瑤甌持滿向君語借箸請爲籌十載苦國難豪傑紛  
戈矛鴻門撞玉斗桃園宰烏牛戰血灑野草餓殍填荒溝  
我時挈妻孥夜泛蒼霄舟有兒縮兵符承乏萬戶侯三年  
盡忠歸身作抱官囚平生萬卷書怒焚遭鬱攸廬墓讀內  
典守節事清修親友散如雪雲樹空悠悠獨爾數君子艱  
棘見何由今聞王師出卒伍皆兜鍪弄刀走官馬千里風  
颭颭桓桓李將軍大旗畫蚩尤去秋奪汴城今復追大酋

屯兵泗水上添竈扼賊喉東南貢米粟連綱起歌謳我曹  
幸無恙坐見恢皇猷酒旗指南斗今茲會綢繆請起各稱  
壽我亦相勸酬羣才盡敏捷用作釣詩鈎青山忽大笑此  
意君知不呼童酌大白酹此土一坏他時蓋棺了神隨和  
氣游巾插室中花撒手鞭蒼蚪東海招若士西池訪阿綏  
共看麻姑爪當座擘笙篴不必兒女淚暗灑窻窻愁達哉  
司空圖吾今乃其儔大書勒巖壁永絕生前遊

鐵網珊瑚右前詩四韻後詩七十韻匡廬于立金  
粟冢中秋日燕集後序綽山乃勾吳顧仲瑛氏之  
先塋在焉仲瑛附先塋營繭室自銘其墓題曰金  
粟冢則知仲瑛之曠達蓋有昔賢司空圖傳奕之  
遺風焉千古在前萬古在後生而與故人飲酒泉  
臺之上則勾吳自顧君始也倪生道原做李龍眠  
蘭亭修禊圖于右  
是集主客凡十有二人爲詩者八人詩不成者四

人依觴政行罰云

次韻劉季章治中邀夏仲信郎中游永安湖詩二

首

金粟寺中公廨靜白晝事閒如治蒲沙棠爲舟穩可泛郎  
官之湖今豈無啄花鷺坐水楊柳雪藕人歌山鷓鴣日西  
上馬踏歸路小隊大呼驚道吾

鐵網珊瑚金粟道人和劉別駕

上詩有啄

花云云之句此詩一出便覺鐵崖不得擅體又  
微老鐵同韻走筆賡去不能奇也云云老鐵頑詩  
帖上和畢煩粘卷送達金粟所也

題文湖州折竹

湖州昔在陵州住日日逢人寫竹枝一段枯梢作三折分  
明雪後上窗時

書畫史文湖州竹生平僅見真蹟一幀在橫冊上  
乃折竹也其題者二人柯九思云云金粟道人阿  
瑛云云

玉山草堂晚酌以高秋爽氣相鮮新分韻得鮮字  
玉山草堂秋七月露梢風葉正飈然出林新月清輝發當  
竹幽花夜色鮮羽客時來蒼水珮山僧頻寄白雲泉文章  
錄事休輕別正好深樽滿眼傳

玉山逸稿西夏昂吉起文序云七月既望曰玉山  
主人與客晚酌于草堂中肴菓既陳壺酒將瀉時  
暑漸退月色出林樹間主人乃以高秋爽氣相鮮  
新分韻詩不成者三人各罰酒二觥  
案玉山逸稿七十三首今錄一首以繫其餘

倪瓚字元鎮無錫州人嘗自謂瓚嬾亦曰倪迂有清閟

閣稿



雲林遺事蹤跡多在松陵笠澤間陸莊有蝸牛廬則其營棲止處荆溪善權離墨銅棺其游甚數嘗避兵柳上有出柳詩

又閣前置梧石曰令人洗拭及苔蘚盈庭綠縹可坐每遇墜葉輒令童子以針綴杖頭刺出之不使點壞

又元鎮好僧寺一住必旬日篝燈木榻蕭然宴坐時操紙筆作竹石小景客求必與一時好事者購之價至數十金壯年有巨幅雅宜山圖甚爲當世所珍元鎮又有雅宜山竹枝詞二首云雅宜山舊名娜如山蓋虞道園所命名然未若娜如之名近古也

又張士信聞元鎮善畫使人持絹繒俛以幣求其筆元鎮裂其絹而却其幣一日士信與諸文士遊太湖聞漁舟中有異香此必有異人近之乃元鎮也士信欲手刃之諸文士力勸免命重加筌辱當撻時噤不發聲後人問之元鎮曰出聲便俗

七修類稿入國朝盡散其產不過其稅而催科者集其室逃入蘆洲燕龍涎以自適因香被執囚於有司每傳食命獄卒舉案齊眉卒問其故不答旁曰恐汝唾沫及飯耳卒怒鎖之溺器之側衆難爲祈而免憤噉成疾今人以漁舟之香爲祥止庵太

祖因得而誅以元鎮爲太祖投之廁中皆非也

### 寄王叔明

能詩何水部愛石米南宮允矣英才最居然外祖風釣絲  
煙霧外船影畫圖中他日千金積陶朱術偶同

又

幾夢山陰王右軍筆精墨妙最能文每憐竹影搖秋月更  
愛山居寫白雲秘笈封題饒古趣雅懷蕭散逸人羣今年  
七夕聞多事曝畫繙書到夕曛

西湖志餘王叔明蒙其先吳興人趙文敏公之甥也隱於仁之和之黃鶴山號黃鶴山樵善詞翰畫學王維與吳興倪元鎮詩畫齊名元鎮嘗寄之詩云云又云云

### 絕句

松陵第四橋前水風急猶須貯一瓢  
敲火煮茶歌白苧  
怒濤翻雪小停橈

又

人家住近江城外  
月色波光上下天  
風景自佳時俗異  
泊舟閒詠白雲篇

又

白鷗飛處夕陽明  
山色隔江眉黛橫  
試看三高祠下水  
悠悠中有別離情

清河書畫舫正月十四舟過吳江第四橋大風浪中貯水一瓢而去乃賦小詩云云是夜泊舟吳江城外人家水月皓然與希言理詠久之明日題壁詩云云十五日與希言謁三高祠望江上諸山爲寫隔江山色圖并賦詩贈別云云

題高房山尙書著色山水

白雲孤鶴暮知還  
晚泊錢唐看越山  
珍重今朝重展卷  
吟

詩作賦北窗間

清河書畫舫房山高尙書以清介絕俗之標而和同光塵之內蓋千載人也僦居餘杭暇日策杖攜酒壺詩冊坐錢塘江濱望越中諸山岡巒之起伏雲煙之出沒若有得於中也其政事文章之餘用以作畫亦以寫其胸次之磊磊者歟因閱允同文學所藏著色山水一卷後有默菴賦詩展詠永曰遂紀尙書之一二并次默菴韻詩題畫上云倪瓚

懷歸

久客懷歸思惘然  
松間茅屋女蘿牽  
三杯桃李春風酒  
一榻菰蒲夜雨船  
鴻迹偶曾留雪渚  
鶴情原止在芝田  
他鄉未若還家樂  
綠樹年年叫杜鵑

中秋

經旬臥病揜山扉  
岩穴潛神似伏龜  
身世浮雲渡流水  
生涯煮豆爨枯萁  
紅螽捲碧應無分  
白髮悲秋不自支  
莫負尊前今夜月  
長吟桂影一伸眉

雲林遺事老年遊歷江湖多寓琳宮梵剎有懷歸詩云云洪武甲寅還鄉時已無家寓姻親鄒氏高家是歲中秋鄒氏開宴賞月元鎮以脾疾戒飲凄然不樂乃賦詩云云不久竟以是疾卒於鄒氏

題畫

蕭蕭風雨麥秋寒  
把筆臨摹強自寬  
賴有君相慰藉松  
肪筍脯勸加餐

漁洋山人精華錄太液兄家舊藏倪元鎮畫自題云云此詩甚佳而雲林集不載

秋林山色圖

寓館風雨秋閒門草苔翳懷人思奮飛攜書此留滯玉琴  
和幽吟竹牖聊靜憩西山日在望白雲淡生媚寂寞棲德  
園清虛捐世味石竈有餘烟未收煮茗器

好古堂書畫記倪雲林設色秋林山色圖遠山帶  
夕陽色松二絳葉樹一衰柳一樹幹多用渴筆平  
坡淺沙三數層石出齒齒儼然霜寒水落境也上  
題云云八月二日寫秋林山色并詩以遺伯循文  
學倪瓚

### 王冕字元章諸暨人自號煮石山農有竹齋集

菽園雜記所居與一神廟切近爨下缺薪則斧神  
像爨之一鄰家事神惟謹遇冕毀神像輒刻木補  
之如是者三四然冕家人歲無恙補像者妻孥沾  
惠時時有之一日召巫降神詰神云冕屢毀神神  
不之咎吾輒爲新之神何不祐耶巫者倉卒無以  
對乃作怒曰汝不置像彼何從而爨耶自是其人  
不復補像而廟遂廢至今以爲笑談  
玉壺冰買舟下東吳度大江入楚淮歷覽名山川

或遇奇才俠客談古豪傑事即呼酒共飲慷慨悲吟人目爲狂奴

宋學士集北游燕都館泰不花家泰不花薦以館職冕曰公誠愚人哉不滿十年此中狐兔游矣霏雪錄游大都時臨川危素爲翰林學士居鐘樓街山農嘗見其文而不相識一日危騎而過山農所與之坐而不問其姓名徐曰君非鐘樓街住那危曰然更不出他語而罷人問之山農曰吾觀其文有譎氣目其人舉止亦然料知必危太僕也山棲志隱九里山種荳三畝粟倍之樹梅花千桃杏居其半芋一區薤韭各百本引水爲池種魚千餘頭結茅廬三間自題爲梅花屋

### 墨梅

我家洗硯池頭樹  
個個花開淡墨痕  
不要人誇好顏色  
只留清氣滿乾坤

### 應教題梅

獵獵西風吹倒人  
乾坤無處不生塵  
胡兒凍死長城下  
始

# 信江南別有春

七修類稿王冕身長多髯少明經不偶即焚書讀古兵法戴高帽披綠蓑着長齒屐擊木劍行歌於市人以爲狂士之負材氣者爭與之游平生嗜畫梅畫成未嘗無詩也有詩云云或以是詩刺時欲執之一夕遁後太祖物色得冕因與糲飯蔬羹山農且談且食上喜曰可與共大事授諮議參軍一夕暴卒應制作云云今竹齋集中未刻  
水東日記初見太祖應制題梅云云睿意極眷想之  
案列朝詩集應教詩下云余家有元章眞蹟下二句云清高只有老梅樹照水開花個個眞

## 梅花屋

荒苔叢篠路縈迴繞澗新栽百樹梅花落不隨流水去鶴  
歸常帶白雲來買山自得居山趣處世渾無濟世材昨夜  
月明天似洗嘯歌行上讀書臺



鐵網珊瑚飯牛翁即煮石道者閑散大夫新除也  
山農近日號老村南園種菜時稱呼元章字冕名  
王姓今年老異於上年鬚髮皆白脚病行不得不  
會奔趨不能諂佞不會詭詐不能干祿仕終日忍  
飢過畫梅作詩讀書寫字遣興而已自喝曰既無  
知己何必多言阿阿

### 題畫飛白竹

瀟灑三君子是伊親弟兄所期持大節莫負歲寒盟

書畫史王元章飛白竹一軸題云己丑歲夏五月  
二十二日會稽王冕寫云云赤城陶君九成故家  
子也淳粹雅澹有出塵風韻讀書之暇每以翰墨  
自適余寓西湖之東九成時來會談論竟日退有  
不忍舍者其仲季皆清爽真芝蘭玉樹不下王謝  
家也遂題而歸之

### 句

生前不繫黃金帶身後空餘白玉簪  
白石皆成佛蒼頭半是僧

閒居錄至元間釋氏豪橫楊總統發掘陵墓奪取宮觀孤山和靖墳亦被發然無他物但得一白玉簪屍已空矣其亦仙者耶王元章有詩云云後又鑿靈鷲山壁爲佛像時小民之無賴者多爲僧以逞奸王復有詩云云亦佳

句

冰花個個團如玉羌笛吹他不下來

梧溪集平生嗜畫梅有自題云云或以是刺時欲執之一夕遁去

郊韶字九成吳興人至正中辟試漕府掾自號蒼溪漁者有雲臺集

絕句四首

杏花簾幕看春雨深巷無人騎馬來獨有倪寬能憶我黃昏蹠屐到蒼苔

春色三分都有幾二分已在雨聲中  
牆東兩個桃花樹恨殺朝來一番風

十日春寒早閉門  
風風雨雨怕黃昏  
小齋坐對黃金鴨  
寂寞沈香火自溫

春寒時節病頭風  
惆悵年華逝水同  
世事總如春夢裏  
雨聲渾在杏花中

清河書畫舫至正十四年二月二十五日雨郊君  
九成賦絕句四首云云倪瓚留宿高齋篝燈爲寫  
春林遠岫圖并次韻四詩題畫上時夜漏下三刻  
矣佩章齋中書

葉廣居字居仲仁和人官江浙儒學提舉

題西泠隱居

瘦木栽冠鶴  
擎輕十年塵土厭  
飄零小山舊  
隱雲封戶大

樂新栽月滿庭丹井夜交龍虎氣碧霄春跡鳳凰翎西風  
客舍炎歊淨擬讀琴心內景經

西湖游覽志築室四冷橋陶情詩酒著有自得齋  
集自題隱居詩云云

### 寄楊鐵崖

聞道西湖載酒還飛瓊弱翠擁歸鞍可無私夢登金馬刺  
有春聲到玉鑾異國頓消鄉井念小堂新作畫圖看野人  
未納彭宣履獨向清溪把釣竿

西湖志餘維禎雅好聲伎名徹都下葉居仲寄之  
詩云云

吳復字子中後改字見心富春人有雲槎稿

### 西湖竹枝詞

官河繞湖湖繞城河水不如湖水清不用千金酬一笑郎

恩才重妾身輕

歸田詩話西湖竹枝詞和者甚衆皆詠湖山之勝人物之美而寓情於中大率一律惟二人詩春暉云云官河云云用意稍別惜不記其姓名七修類稿吾杭西湖有竹枝詞一帙乃廉夫爲倡一時詩人和者惜無刻本瞿存齋詩話論其三章用意甚佳惜不知姓氏今補於右前乃李介石作後乃吳復作

句

江花多自落天籟或時鳴 雲歸沙嶼白日出水城黃  
雲氣上天星劍濕龜文入地石幢深

西湖竹枝集如云云蓋感唐之選也

郭翼字義仲崑山人老官訓導自號東郭生命其齋曰  
雪履有林外野言

雪履齋筆記作詩如作字橫眉直鼻所差幾何而清俗相去遠甚然亦有姣好而俗者有醜怪而清者要不在皮相之媿妍也

續吳先賢傳嘗獻策張氏言頗切忤士誠幾欲殺之  
列朝詩集鐵雅曰人呼老郭爲五十六以其長於七言八句也

### 和鐵崖西湖竹枝詞二首

采蓮湖上一雙舟  
白縠風生易覺秋  
淺淺溪流齊鶴膝  
青荷葉過人頭  
四月南風海岸深  
青旗高高柳陰陰  
三江湖發來如馬  
五兩風搖密似林

西湖竹枝集余以湖上竹枝索義仲和而義仲以吳之柳枝答云

馮士頤字正卿富春人

西湖竹枝詞

與郎情重爲郎容  
南北相看只兩峯  
請看雙投橋下水  
新開兩朵玉芙蓉

山堂肆考杭州西湖南入路有雙投橋舊有情人  
雙投於橋下故名一名長橋元富春馮士願詩云

云

留青曰杜西湖今但知有冷泉而不知有溫泉醴  
泉並在冷泉之上見武林舊事今不可考矣楊廉  
夫西湖竹枝詞家住西湖新婦磯又石新婦下水  
連空郊九成竹枝詞風篁嶺頭西日暉青龍港口  
新月微馮士願詞請看云云此皆遺跡也

不花帖木兒字德新

絕句

玉樓珠箔晚天涼  
秋色依稀滿建章  
金井梧桐霜葉盡  
自隨流水出宮牆

西湖竹枝集國族居延王孫也所爲詩落筆有奇語如云云亦宮詞之體也

掌機沙字密卿

西湖竹枝詞

南北峯頭春色多湖山堂下來棹歌美人蕩槳過湖去小雨細寒生綠波

西湖竹枝集阿魯溫氏禮部尚書哈散公之孫也學詩於薩天錫故其詩風流俊爽觀於竹枝可以稱才子矣

聶鏞字茂先蒙古氏

宮詞

九重天上日初和翡翠簾垂午漏過聞到南閩新入貢雕籠進上白鸚哥



西湖竹枝集幼警悟從南州儒先生問學通經術  
善歌詩尤工小樂章其音節慕薩天錫如云云亦  
宮詞之選也

郭庸字彥中東平人

西湖竹枝詞

日落平湖艇子遲  
岸花汀草伴人歸  
鴛鴦驚散東西去  
唯有蜻蜓蛺蝶飛

流光昨日又今朝  
猶憶當年醉六橋  
金鵲翠蕤紛在眼  
生紅七尺繫郎腰

西湖竹枝集銳志經學善屬文作詩有新意時輩  
罕及觀其竹枝亦可謂中州之才子也

王立中字彥強蜀人

列朝詩集元末爲松江太守入明致仕

絕句

梅粉凝嬌不肯添  
萬雲籠暝壓重簷  
江南可是春寒甚  
十日東風不捲簾

又

春波橋頭柳似煙  
越王城郭在西邊  
我家繞屋皆春水  
盡日鴛鴦隨釣船

西湖竹枝集少年傲達淩物晚刻節厲行能以門  
蔭公子爭秀於作者之林詩如云云又云云得風  
流美譽往往類此

熊進德字元修上饒人

西湖竹枝詞

金絲絡索雙鳳頭  
小葉尖眉未著愁  
大姑昨夜茗溪過  
新

歌學得唱湖州

銷金鍋邊瑪瑙坡爭似儂家春最多蝴蝶滿園飛不去好  
花紅到剪春羅

七修類稿吾杭西湖盛起於唐至南宋建都則游  
人士女畫舫笙歌日費萬金時人目爲銷金鍋相  
傳到今然未見其出處也昨見一竹枝詞乃元人  
上饒熊進德所作乃知果有此語詞云云

句

木怪鬼欲出山空巖自鳴

西湖竹枝集其爲人退然若不及而才名日進不  
可禦如木怪云云其用心亦幽而深矣而不知其  
善吐媚語則如此詩者是也

徐哲字延徽萊州萊陽人

西湖竹枝詞

盡說虛家好莫愁不知天上有牽牛  
騰拋萬斛燕支水溜向銀河一色秋

升庵詩話元楊廉夫竹枝詞一時和者五十餘人  
余獨愛徐延微云云

### 卞思義字宜之

鐵笛詩寄楊廉夫

一段清冰百鍊鋼曾翻宮徵侍虛皇  
裂開黃鵠磯頭石驚落青鸞鏡裏霜  
仙子珮環新樂府翰林風月舊文章  
道人清節磨礱久却笑桓伊獨據床

歸田詩話楊廉夫初居吳山鐵冶嶺號鐵崖後遷  
松江又號鐵笛道人卞宜之作鐵笛詩寄之二云云  
廉夫喜之同時有製鐵笛賦者造語粗率不若詩  
也

### 汗酒

水火誰傳既濟方滿鑑香汗滴瓊漿開尊錯認薔薇露溜  
齒微沾齒苔香水泄尾閭知節候津生華蓋識溫涼千鍾  
魯酒空勞勸一酌端能作醉鄉

西湖竹枝集卞思義光州人氣宇疎曠早年有詩  
名浙西憲府以其才賢辟爲屬掾雖居官曰猶不  
廢於吟詩長於詠物如汗酒鐵笛爲人所稱云

瞿士衡字錢唐人

宋故宮詩次楊廉夫韻

歌舞樓臺擬汴州可憐蠻觸戰蝸牛臨書玉枕雕簷靜行  
酒青衣扇帳愁卷土自應從直父滔天誰復放驩兒臺空  
樹老寒鴉集落日白波江上秋

歸田詩話先叔祖士衡和楊廉夫宋故宮詩云云  
廉夫喜其和兜字韻勝蓋廉夫詩用紅兜字元廢

宋宮爲佛寺西僧皆載紅兜帽也

文質字學古甬東人

梅花燈

五出玲瓏四面分一枝挑月照黃昏歸來踏遍橫斜影吹落東風不見痕

江南通志嘗與楊廉夫玩梅花燈賦詩有歸來云云之句人傳誦之

時太初字大本常熟人

白燕

春社年年帶雪歸海棠庭院月爭輝珠簾十二中間捲玉剪一雙高下飛天下公侯誇紫領國中儔侶尙烏衣江湖多少閒鷗鷺宜與同盟伴釣磯

南濠詩話袁景文嘗與友人謁楊廉夫儿上有詠  
白燕詩珠簾云云景文曰此詩殆未盡體物之妙  
也廉夫不以爲然景文歸作詩翌日呈廉夫云云  
廉夫歎賞一時呼爲袁白燕云

顧亮字寅仲上虞人

月氏王頭歌和楊鐵崖

月氏肉碎如雪月氏顱勁如鐵鐵崖曰只數語便破鬼膽快劍一斫天

柱折留取胡盧飲生血冒頓老魅呼月精夜酌葡萄隴月

明鬼妻蹋地號我天可汗天靈哮唬聲嘶酸於乎顱兮顱

兮汝勿悲我今酌汝金留犁黔州都督有血頂精魂夜夜

渴中啼

列朝詩集鐵崖擊節歎賞曰說出月氏王一副枯  
骨作活潑潑底侏僂語青冢妃不能宣諸宮羽者  
茲調宣之費憲兩生當讓一籌

李費字

人楊鐵崖門人

月氏王頭飲器歌和楊鐵崖

太白八月月欲頽胡風吹墮白龍堆

鐵崖曰一起便絕倒

血函糝糊

截仇首半腕剝作玻璃杯目皆生紅酒微續戎王胸堂沃

焦熱

奇語青氈帳下唱胡歌三十六國皆膽裂

愈出愈奇

金篴攪

紅紅欲凝腦中猶作銅龍聲

真狐精語

千年古恨恨未平怨魄

飛作精衛精君不見漆身復仇仇未復地下義人吞炭哭

列朝詩集余讀費辭爲之擊几而歌費真狐精也時和者稱張憲明日費辭至憲拜之曰吾當放君一頭地取已作而焚之

顧元臣字國衡仲瑛之子

列朝詩集至正間官水軍都府副都萬戶國初徙濠



西湖竹枝詞

牡丹開時花滿闌芍藥開時春已殘等過三春今半夏重樓日日倚闌干

西湖竹枝集年少能讀書作詩俊爽世其家者此詩雖用藥名隱而不顯善於喻者也

盧浩字養元錢塘人

西湖竹枝詞

記郎別時風颼颼銀鼠帽子黃鼠袍別來轍迹不可見湖邊青草如人高

西湖竹枝集竹枝首章杭人爭誦之

吳禮字和叔歙縣人

西湖竹枝詞

湖上鴛鴦相對飛春寒著人郎未歸莫捲珠簾看行路楊花撩亂撲人衣

西湖竹枝集爲吏有操行雖簿書叢中不廢吟事故其詞婉然

趙恒

讀圭塘欵乃集

細讀圭塘唱和詩流風餘韻想當時東山絲竹閒方得北海樽罍老更宜亂後池臺渾索寞夢中松竹亦參差樓興不晚歸粉社願校園丁築舊基

圭塘欵乃集附錄云云至正甲辰諸生襄邑趙恒書於大都南城之寓館

陸煥然

讀圭塘欵乃集

宰相歸來致政時圭塘唱和類填簾好山好水天開畫難  
弟難兄日賦詩酒罍每從花塢設釣舟時傍柳陰移景因  
人勝千年暇綠野香山未足奇

圭塘欵乃集附錄中書左丞安陽許公洎弟太常  
文章政事名滿天下每當想慕風采至正甲辰愚  
叨掌故得親太常公一日出示圭塘唱和詩集迺  
左丞致政太常以南臺御史還家兄弟暇日讌集  
圭塘亭榭時所作也一唱一和珠玉輝映奉讀之  
餘則賢人君子棣華之樂可想也遂成俚語一章  
用贊萬一云云山東陸煥然拜

胡井表

句

他年拂羽雲霄上莫負當年乳哺恩詳趙訪下

王士毅字子英餘姚人

句

陶潛千載友相望老東臯

戴九靈集隱居鄉之上林鄉有栲峯岑君先生友也平居好誦陶靖節詩愛其風致絕人有云云之句而自署其號曰東臯處士

魯淵字道原涇安人至正進士官江浙儒學提舉洪武

初徵修禮樂書詔授江西按察司僉事以病辭

句

九州文軌車書混萬里梯航玉帛齊題入貢圖越裳翡翠供輸

少遼海雲航漕運通感懷杜鵑山外家千里姑惡聲中淚兩

行晚宿新岑

靜志居詩話嘗與楊廉夫張光弼校文貢院其二云云蓋猶及見元盛時者其後幾死於寇極其顛沛

晚宿新岑云云調之亦可悲矣

沙可學字

永嘉人登至正進士第爲行省掾

詠懷

疏鑿功成王氣衰九重端拱無爲貪夫柄國忠良沒巨  
敵臨郊社稷危萬里朔雲沙漠漠六宮禁御草離離金輿  
玉輅無消息腸斷西風白雁飛

靜志居詩話可學僅存詠懷詩蓋憶庚申君北狩而作首句指賈魯挑河言也

邾經字仲誼仁和人元末進士有玩齋集

春陪呂志學會彥魯劉仲原同登虎邱賦呈居中

長老

虎邱山前新築城虎邱寺裏斷人行梵僧自識灰千劫蜀

魄時飄淚一聲漸少松杉圍宰堵無多桃李過清明向來  
游事誇全盛曾對春風詠太平

靜志居詩話虎邱詩集一卷王高士賓所錄吾鄉  
項氏萬卷樓藏書也中載仲誼是詩同時和者呂  
敏志學云山上樓臺山下城朱旗夾道少人行曾  
朴彥魯云云僧寓居中云云又周南老正道有至  
正丁酉冬督役城虎邱詩八首云云虎邱築城吳  
人亦鮮有知者予嘗泊舟山後見遺趾尚存

### 曾朴字彥魯燕山人

次仲誼韻呈居中長老

闔閭冢上見新城無復游人載酒行山雉聽經依塔影樹  
鴉爭食亂鐘聲劍池龍去泉空冽茶竈僧閒火獨明我欲  
投簪營小隱佛香終日祝昇平

詳剡經下

周南

一作南老

字正道至正末以薦補信州永豐學教諭官

至淮南省照磨洪武初徵赴太常議郊祀禮禮成  
發臨濠居住放還卒

至正丁酉冬督役城虎邱連月餘賦詩八首錄呈

居中禪師

錄三

捧檄趨功城虎邱因高據險互相繆湛虛一躍寒潭底夜  
半光芒射斗牛

四疊新城繞澗隈劍池池上碧崔嵬於菟夜吼山靈振仙  
鬼哀吟風雨來

平林慘淡日沈西百萬城春落杵齊努力相歌歌未徹回

頭仰羨鳥歸栖

詳雜經下

陳思字履信松人

句

傳家忍學韓爲賈失國驚聞莒滅曾

梧溪集弊廬數楹鄰人侵傍地自歌曰食且無魚奈何盤蔬無餘鄰聞之歸所侵地居海上曰惟無後是戚乃欲弟之幼子弟不之卹吳被圍思愈皇皇因賦詩謁祝上海挺云云挺嘉歎爲讓弟遂立其子

吳敬夫

題蘆花被圖

秋風吟就蘆花被一落人間知幾年澤國江山今入畫詩人毛骨久成仙高情已落滄洲外舊夢猶迷白鳥邊展卷不知時世換水光山色故依然

歸田詩話亡友邱彥能藏蘆花被圖蓋模寫酸齋梁山灤故事貢泰甫題律詩一首吳子立繼之其



餘數首而已彥能寶惜此卷不妄與人題後遇吳敬夫以其有詩名出而求題敬夫爲賦數首皆不愜意最後一首云云彥能喜始登於卷

思子

劍閣凌雲鳥道邊路難聞說上青天山川萬里身如寄鴻雁三秋信不傳落葉打窗風似雨孤燈背壁夜如年老懷一掬鍾情淚幾度沾衣獨泣然

瓠里子筆談錢塘吳慥洪武間官四川其父敬夫思之作詩云云敬夫卒而慥始以丁憂還家且作詩矜其妻之賢而末嘗念及其父至爲瞿存齋先生面誚之

句

闌干苜蓿先生飯顛倒天吳稚子衣

歸田詩話曹組元龍題村學堂圖此老方捫蝨衆雖爭附火想當訓誨間都都平丈我語雖調笑而

曲盡村俗之狀近吳敬夫一聯云云其景况可想也

鄧雅字伯言

句

鰲足立四極鍾山蟠一龍

七修類稿太祖召涂人鄧伯言見命賦鍾山詩稿既呈中一聯云云上大喜以手拍案高誦之鄧以爲怒驚死于幄下扶出東華門始甦

呂玄英

鶴傍牡丹圖

牡丹花畔鶴精神飛並雲林似倚人  
萬里青霄不歸去洛陽能有幾時春

開中今古錄元末江西程國儒任餘姚州判官因亂來依方谷珍與呂玄英爲友國儒有鶴傍牡丹

圖索呂題云公程得詩即日促裝回番陽

顧佐字翼之瑛兄子

西湖竹枝集好吟詠時有驚人句蓋亦漸染玉山之習

西湖竹枝詞

阿儂心似湖水清願郎心似湖月明南山雲起北山雨雲雨朝朝何處晴詳燕不花下

顧晉字進道瑛仲子

前題

楊白花開風滿天花開成絮不成綿不如落向西湖水化作浮萍個個圓詳燕不花下

案以上三人不類次卷八之末者屈顧瑛前嫌於倒置也

韋珪字德珪山陰人

西湖竹枝詞

湖中艇子風徐徐秋水蕩漾金芙蕖釣魚不是貪雙鯉爲  
恐腹中藏素書

蘇小門前月漾波牽牛織女挂秋河恨妾如星圓處少恐  
郎如月缺時多

西湖竹枝集早年以詩鳴其鄉有梅花百詠梓行於書坊其網羅古今詩人之學而日進於近古者未已也竹枝三章語意俱新可稱作者矣

申屠衡字仲權大梁人

列朝詩集洪武間徵至京師授翰林修撰無何病免疑不肯仕謫徙濠卒於濠上

絕句

青鎖春閒漏點遲  
博山香煖翠煙微  
隔簾誰撼金鈴響  
知是花間燕子歸

西湖竹枝集少貧恥爲商賈胥吏之習銳志經史  
善屬文然爲時經生而兼工詩翰度越流輩時論  
難之其二云云可以列才子之林矣

元詩紀事卷十一

侯官陳衍緝

張昱字光弼廬陵人左丞楊完者鎮江浙用叅謀軍府  
事遷左右司員外郎有廬陵集

羽庭集嗣其室爲一笑爾後錢塘遭變失其故處  
尋得敝居湫隘不治亦復以一笑顏之  
西湖游覽志昱罷官時居室已敝友人凌彥翀募  
緣以葺之疏云昌黎寄玉川子首稱洛陽破屋之  
數間東坡題綠筠軒終比揚州纏腰之十萬一笑  
居士詩名優於張籍生計劣於陶潛囊無一錢之  
留家徒四壁之立若非慷慨而多助安得輪奐之  
一新即欲取杜工部草堂費何時可辦倘葺得楊  
關西槐市塾今歲無憂云云疏傳交遊皆助之  
列朝詩集太祖徵至京閱其老曰可閒矣遣還因  
自號可閒老人

過歌風臺

世間快意那有此亭長還鄉作天子沛宮不樂復何爲諸  
母父兄知舊事酒酣起舞和兒歌眼中盡是漢山河韓彭  
受誅黥布戮且喜壯士今無多縱酒極歡留十日感慨傷  
懷涕沾臆萬乘旌旗不自尊魂魄猶爲故鄉惜從來樂極  
自生哀泗水東流不再回萬歲千秋誰不念古之帝王安  
在哉莓苔石刻今如許幾度秋風灞陵雨漢家社稷四百  
年荒臺猶是開基處

歸田詩話一日作歌風臺詩乘醉來過爲余朗誦  
之云云蓋得意所作也豪邁跌宕與題相稱  
西湖志餘一日乘酣朗唱於瞿宗吉以界尺擊卓  
鏗然若金石也

### 唐天寶宮詞

興慶池頭芍藥開貴妃步輦看花來可憐三首清平調不

博西涼酒一杯

歸田詩話又嘗作唐宮詞數首中間可憐云云予曰太白於沈香亭應制親得御手調羹貴妃捧硯力士脫靴不可謂不遇何必西涼酒一杯乎光弼亦大笑

春日

一陣東風一陣寒  
芭蕉長過石欄杆  
只消幾度瞢騰醉  
看得春光到牡丹

七修類稿元末政壞遂棄官不仕以詩酒自適有春日詩云云蓋寓時事也今集中亦無嘗曰吾死埋骨西湖題曰詩人張員外墓足矣後果如其言海昌胡虛白作詩以弔云二仙坊裏張員外頭白相逢只論詩今日過門君不見小樓春雨燕歸遲二仙坊在杭之壽安坊西即今之花市也

五府驛代楊左丞留題

免胄日趨丞相府  
解鞍夜宿五侯家  
玉杯行酒聽春雨  
銀



燭照人如

一作天生

晚霞受命敢忘

一作亂且從世

軍旅事撫時又過

掖垣花

一作功成須插御筵花

漢家

一作王

未可輕韓信尙要生擒李

左車

西樓柳風吹晚香石榴裙映黃金觴纖歌不斷白日速微

雨欲度行雲涼笑看席上賦鸚鵡醉聽門前嘶驕驕早晚

平吳王事畢羽書飛插入朝堂

句

蛺蝶畫羅宮樣扇珊瑚小柱教坊箏玉瓶注酒雙鬢綠

銀甲調箏十指寒

新粧滿面猶看鏡殘夢關心懶下樓

歸田詩話張光弼詩云云又云云蓋時在楊完者左丞幕下故所賦如此又蛺蝶各云云多爲杭州人

傳誦其一時富貴華侈盡見於詩云留青曰杜臨川聶東軒能詩文而灑翰深得李北

海遺意余偶購得二幅其一免胄曰趨丞相府解  
鞍夜宿五侯家一柱東南擎日月五城樓閣爛雲  
霞受命無忘軍旅事盛時須折掖垣花漢家未可  
輕韓信尚要生擒李左車其二皇明正朔承千載  
天下車書共一家玉杯行酒聽春雨紅燭照人如  
晚霞寶刀雷煥蒼精劍天馬郭家獅子花收拾全  
吳還聖主將軍須用李輕車筆法妙絕但瞿宗吉  
詩話中載是張光弼詩與此不同此二詩或大年  
所改定爲之也

句

西河伶人火倪赤能以絲聲代禽臆白翎雀歌

靜志居詩話陳雲嶠云白翎雀生於烏桓朔漠之  
地雌雄和鳴自得其所樂世皇因命伶人碩德閭製  
曲以名之曲成上曰何其末有哀聲之音乎時譜  
已傳矣故至今莫之改陶九成云白翎雀者教坊  
大曲也始甚雍容和緩終則急躁繁促殊無有餘  
不盡之意楊廉夫云白翎雀能制猛獸尤善擒駕  
鵝廉夫有二詩詠之張思廉王子充張光弼皆有  
作第雲嶠言製曲者碩德閭而光弼獨云云微有

不同

王逢字原吉江陰人自號席帽山人又號梧溪子又號

最閑園丁洪武間卒有梧溪集

陳敏政梧溪集後序先生嘗自標題其微詞奧義及人名地里之難曉者於各詩之首

列朝詩集原古爲張氏畫策使降元以拒臺故其游崑山懷舊傷今之詩於張楚公有餘嗣焉前後無題十首傷庚申之北遁哀王孫之見俘故國舊君之思可謂至於此極矣

又原吉戊辰歲即事寫懷寄故知之作蓋絕筆也詩稱我太祖尚曰南朝天子又曰夢逢秦鬼歌無衣真所謂倔強猶昔耶

銀瓶娘子辭

娘子宋岳鄂王女聞王被收負銀瓶投井死祠今在浙西憲司之左逢感其節孝敬爲之辭

碧梧月落烏號霜寒泉幽凝金井床綺疏星流大星白夢  
驚萬里長城亡女郎報父收囹圄匍匐將身贖無所官家  
明聖如漢主妾心愧死綈縈女井臨交衢下通海海枯衢  
遷井不改銀瓶同沈意有在萬歲千春露神采魂兮歸來  
風泠然思陵無樹容啼鵑先王墓木西湖邊

風月堂雜識銀瓶烈女古今歌詠其事者甚衆惟  
王梧溪原吉銀瓶娘子辭五清劉先生孝娥井銘  
二篇可誦

帖侯歌

有引

昌國州字達魯花赤高昌帖木兒平章買住之猶子  
也海寇犯境侯連與戰破之衆寡不敵或勸侯遁去  
侯曰是吾死所也遂死之江浙省參政樊執敬爲文

遣使致祭請諡于朝逢爲作歌云

仙居縣丞寇海邦白晝突入千矛鏖帖侯親騎大宛馬快  
劍躍出蒼龍雙鬚張背裂赫如虎殺氣雄風助虓武髑髏  
擲地血飛雨短兵未接寇偃鼓天南弧矢夜掩光狼角赭  
赤雲玄黃洪濤鯨鯢去咫尺再戰身與城存亡艤艦千百  
水犀手主者誰歟仆旗走岳立不轉鏖殺之殉忠國家良  
亦厚君不見台州牧長金兜鍪氣節自是名臣流情鍾  
女挫堅銳卒墮賊計空貽羞男兒真僞那料得長松古柏  
寒增色鴻飛冥冥我何及落日荒山淚橫臆

張武略有序

侯諱珍字元諒堂邑人以廕受武略將軍潁川翼萬

戶鎮杭至正十二年冬徽寇陷常侯引兵伏橫林偵  
得其狀連敗之乘勝深入常悉平明年春移戍婁江  
海漕罷警夏六月江陰憺民江牟二人作耗太尉納  
麟檄侯討之父老上謁必親慰曰某義不與賊俱存  
須蜂蠆掃跡郊鄙輸賦流移歸業以謝父老苟不幸  
先士卒死亦無憾也父老感泣未幾俘若干人射死  
其手旗者秋八月浙東元帥野合先侯進屯胡村賊  
縱火迫胡村各分地出戰賊蔑以當侯潰去輒勒兵  
助野時野與裨校鄭溥賢死矣侯機發弩曠復大敗  
之以返矢二郡將侯奮激曰將陷而獨全恥急追之  
冒圍以入江中三矢牟被創甚其黨度擒江牟將魚

肉其類因并力來抗侯矢盡馬蹶精銳傷者過半乃拔所佩刀蹂殺數十百人以死先是浙省參政買米丁分制常侯嘗直言忤之故其臨敵也按不之援以至不利云

張武略馬中驃驚中鶚神清氣完志落落決眚萬里空沙漠紅巾據有南蘭陵無人先執螯弧登角弓朝分雲漢月血刃暮洗官壕冰黃金璫甲鎮江徼食簞漿壺駢父媪刁斗嚴城令密傳菜果漫村跡如掃睦州方臘絕饑道素服威名罷侵擾陋邦寇劫誰使然令我諸君師盡老孟勞寶刀龜甲文繡然佩之星入氛虎賁千百濟虓猛禽獮草薶收奇勲浙東元帥亦不羣羅闔狗附聯陣雲兩軍鼓行

瓦墜殺聲直上蒼天聞牙張距趯開復合左啟右肱煙空  
接勢如驚飈振槁葉冒圍蹂賊賊膽誓賀蘭陰拱僅自守  
檀公上計無乃走王琳遺愛壽陽間袁崧殉名滬濱口妖  
星黨現秋日微英雄命薄將安歸連營陷敵泯功業別部  
抱憤無晶輝殘兵故吏望鄉哭偷生可誅死可錄我招其  
魂歌楚曲高寒吹下雙鴻鵠

張孝子

有序

張孝子諱天麟字仲祥平江之嘉定人祖瑄江西參  
政初從忠武王平江南旣航宋圖籍重器自海入朝  
復建策海漕江南粟世皇特寵任之由是與河南左  
丞崇明朱清貴富爲江南望至元末儉人姚衍誣二



氏瀕海異志上不聽詔丞相完澤曰朱張有大勲勞  
朕寄股肱卿其卒保護之成宗嗣位未幾疾后專政  
樞密斷事官曹拾得以隙踵前誣后信輒收之丞相  
完澤奉先帝遺詔諍莫解參政竟獄死籍其家沒入  
諸子女或竄之漠北麟時年甫冠諸王有欲奴朱張  
後者麟長喟曰吾先世戮力王室一旦無罪廢乃忍  
奴我族耶泣訴將作使忻都爲奏占匠戶諸女亦入  
繡局麟猶以冤食不甘味寢不安席大德九年春訟  
之省臺弗理夏四月上清暑上京麟拜輦道左有命  
侍臣代問旨未得又伏東華門欷歔流涕不輟言甚  
哀婉歷陳先朝顧遇爲讒佞構陷狀尋勅中書省遣

使召還竄者改父文龍董日本賈舶武宗初超遷都  
水監仍俾治海漕大司徒大順公奏免匠役繡工家  
令星哈思的啟皇太子以麟直宿衛至大三年選授  
麟絳路坑冶提舉弗就曰訾坑吾家尙何坑爲仁宗  
御極眷幸益隆載念曾大父未有葬地其上海之烏  
涇別業參政尤樂之即陳請於上曰此孝順之道也  
詔中正院還其籍土爲議者沮延祐二年春請復感  
切始如其志秋八月撫藏以祖妣太夫人趙耐時王  
清獻公郡中來會葬以上嘗語題其門曰孝順之門  
元統二年江浙平章牙不花薦舉終不起麟晚通易  
子守中前鄉貢進士嘉禾俞鎮爲著誌逢括其槃系

以詩詩曰

三朝雪涕大明宮咫尺威顏卒感通百輛珠犀歸寶藏千  
區松柏倚青空天妃罷燭滄溟火野史追揚孝里風誰謂  
奸臣終愧漢石榴苜蓿也封功

丙申八月紀事時自鄉里入吳還華館遂卜隱鴻  
山

寸舌解重圍長歌振短衣不成巢父去空似魯連歸蔡港  
沙田薄黃山宰木稀伯鸞吾所慕梅李况魚肥

天門行

天門高高俯四極寸田尺地登版籍澤梁無禁漁者多瀚  
海橫戈恣充斥去年官饑私斂攘今年私墾官價償屠燒

縣邑誠細事大將不死鯨鯢鄉

謂李羅帖木兒左丞

烹羊椎牛醉以

酒腰纏白帶紅帕首定盟歃血許自新禦寇征蠻復何有

國家承平歲月久念汝紛紛迫糊口羽林堅銳莫汝撓慎

勿輕夸好身手春風柳黃開陣雲號令始見真將軍

### 憂傷四首上樊時中參政蘇伯脩運使

竹笠黃

時海寇戴竹笠以拒官軍

黃金兜鍪勢相當兜鍪本居大將壇

左劍右印增威光邊隅將校望塵拜州縣曹佐聞風僵况

從元首授元柄稍忤言意違軍令不因舊疫自焚船那致

生靈輕隕命竹笠黃兜鍪相當難走藏兜鍪旦晚先戎行

官柳場青茫茫野鷹交飛撲馬驥年年十月轅門張元戎

始來坐虎牀翼舒箕哆魚麗行鼓進金退兵家常起伏見

譏孫武子勾卒貽笑曹成王千夫散盡旌旗定偏裨隊伍  
相呼應幾處私恩誤主恩一回酒令行軍令酒醉邊隅事  
不聞邊隅擾擾多煙氛

### 無家燕

嗟嗟無家燕飛上商人舟商人南北心舟影東西流芹漂  
春雨外花落暮雲頭豈不懷故棲烽燭黃鶴樓樓有十二  
簾一一誰見收衆雛被焚蕩雙翅亦斂擎含情盼鬼蝶失  
意依訓猴茅茨固低小理勢難久留昔本烏衣君今學南  
冠囚燕燕何足道重貽王孫憂

梧溪集楊維禎序梧溪集者江陰王逢氏遭喪亂  
之所作也予讀其詩悼家難憫國難採撫貞操訪  
求死節網羅俗謠與民謳如帖木侯張武略張孝  
子費夫人趙氏女丙申紀事月之初生天門行竹

笠黃官柳場無家燕諸篇皆爲他日國史起本亦  
杜史之流歟

### 無題五首

五緯南行秋氣高大河諸將走兒曹投鞍尙得齊熊耳卷  
甲何堪棄虎牢汧隴馬肥青苜宿甘梁酒壓紫蒲萄神州  
比似仙山固誰料長風掣巨鼇

天槍幾夜直鈎陳車駕高秋重北巡總謂羽林無猛士不  
緣金屋有佳人廣寒霓仗閒華月太液龍舟動白蘋雪滿  
上京勞大饗西風華岳弔秦民

白衣鱗波吳兵赤羽旌旗奪趙營灤水天迴龍虎氣榆  
林風逐馬駝聲靚妝宮女愁啼竹白髮祠官憶薦櫻猶有  
海鵬神不王駕鵝高去塞雲平

五城月落靜朝鷄萬竈煙消入水犀  
椒闥珮琚遺白草木天圖籍冷青藜  
北臣舊說齊王肅南仕新聞漢日碑  
人意人心竟何在虎林還控鴈門西  
廿載羣雄百戰疲金城萬雉自湯池  
地分玉冊盟俱在露仄銅盤影不支  
中夜馬羣風北向當年車轍日南馳  
獨憐石鼓眠秋草猶是宣王頌美辭

後無題五首

一國三公狐貉衣四郊多壘鳥蛇圍  
天街不辨元黃馬宮漏稀傳日月闌  
嵇紹可能留濺血謝元那及總戎機  
祗應大駕懲西楚弗對虞歌北渡歸

吐蕃回紇使何如馮翊扶風守太疎  
范蠡不辭勾踐難樂

生何忍惠王書銀河珠斗低沙幕乳酒斲羊減拂廬北陸  
漸寒冰雪早六龍好扈五雲車

回首崑崙五色天疎風落日重徘徊駕驂八駿非忘鑄臺  
置千金舊慕燕地限上林雲過鴈雪封西嶺樹啼鵲遠慚  
行在周廬土橫草無功日晏眠

險塞居庸未易剿望鄉臺上望鄉多君心不隔丹墀草祖  
誓無忘黑水河前後炎劉中運歇東西元魏百年過愁來  
莫較興衰理只在當時德若何

黃河清淺海塵揚陝月關雲氣慘蒼甯復明珠專璧社倘  
論玉兔踞金牀衣冠並入梁園宴簡冊潛回孔壁光私幸  
老歸忘世事梧桐朝影對溪堂



列朝詩集無題前後十首皆感悼王師入燕庚申北狩之事

句

地荒存菊本人老發梅花  
紅芳飛血盡黃蝶上衣來  
犬眠牛斗地鯢躍鳳凰池  
乾坤人鮓囊歲月鬼門關  
雪落蘋花盡青浮山影來  
簾卷東風燕子還  
天清月  
浸淡梨花  
草霜鷹始擊

梧溪集予自幼至壯詩夢頗多云云最後得草霜云云之句

張思孝字奉先雲中人至正間官武州守洪武己酉被  
召至辭歸

句

意當極快處心有不平時少忍應無患欲言宜再思  
訓綺

窗花落東風軟曾讀曹家女誠無題二一眼濁黃天塹闊

半眉老翠太行昏懷慶道中敢效子陵辭漢爵願同巢父樂堯

年辭歸述懷

梧溪集所遺稿有二云云志行槩見之矣

戴良字叔能浦江人至正辛丑以薦授儒學提舉入明

不仕自號九靈山人有九靈山房集

列朝詩集太祖遣使物色求之十五年召至京師欲官之固辭許旨待罪次年四月卒於寓舍蓋自裁也

插秧婦

青秧蒙頭作野粧輕移蓮步水雲鄉裙翻蛺蝶隨風舞手  
學蜻蜓點水忙緊束暖煙青滿地細分春雨綠成行村歌

欲和聲難調差殺揚鞭馬上郎

七修類稿詠物之詩宋元以下作者多矣然其親切有蘊者亦足比方前人戴九靈插秧婦云云

貢性之字友初尚書師泰族子也元季以胄子除簿尉  
後補閩理官入明不仕更名悅有南湖集

絕句

十八姑兒淺淡妝春衣初試柳芽黃  
三三五五東風裏去上吳山答願香

送戴伯貞檢校還廣西

桂江煙水接瀟湘逐客南歸道路長  
卷裏漫多新製作篋中猶是舊衣裳  
逢人盡說官如水老我相看鬢已霜  
此去莫教音問斷雁飛今喜過衡陽

歸田詩話貢有初工詩春日見吳山遊女之盛作絕句云云特過予誦之其詩新嫩奇巧多類是惟送戴伯貞還廣西一律云云敘事委曲而感慨係之出諸作之上

趙汭字子常休甯人至正間以保守鄉井授爲江南行樞密院都事洪武初召修元史不仕有東山存稿餘冬序錄新安趙東山謁黃楚望先生於九江楚望問年答曰已未楚望曰先吾刊六經補注之歲也或曰書刊矣恐無讀者予曰是讀者未生耳豈知吾子適生是歲乎

### 詠蟋蟀

赤翅晶熒何處歸秋來清響傍庭闌莫言微物無情意風虎雲龍共一機

### 詠鋸匠解木

東山存稿原注先生年十二時從胡井表學於家塾賦此詩胡大驚異賦乳燕詩以答之云云

一條黑路兩人忙傍晚相看髯有霜汝去我來何日了虧他扯拽度時光

綠雪亭雜言趙東山垂髻有詩名里中有二執友其一因投荒過家其一以磨勘需調皆西樵桑榆猶戀難助者一日同訪東山見庭下有錦匠解木因以命題東山口占絕句云云二執友知詩意諷已也相與感歎而去

贈推命焦月巖

字送水迎仍值箕奎躔火日竟何爲祇應少日懷經濟垂  
近中年迫亂離至樂每從天外得長生難向命中期藏書  
避地俱無計禍福煩君仔細推

東山存稿原注先生已未生安命在戌太陽火星同躔奎度字在丑水在寅當時談星者言行限至箕前有水後有字必不佳故起句及此

吳志淳字圭一以字行無爲州人以父蔭官縣簿入明

不仕

句

晚涼浴罷閒無事水閣東頭看月生

歸田詩話水殿雲廊三十六不知何處月明多王子宣詩云云吳圭一詩二人在當時皆以詩鳴此其得意句

句

燕來已覺社日近寒退始知春意深

藝苑卮言入宏正間不復可辨衆之貞元長慶亦無愧色

梁寅字孟敬新喻人元末辟爲集慶路儒學訓導明洪

武初徵修禮書書成以老疾辭歸

明史四方士多從學稱爲梁五經

### 玉階怨

團扇且棄置夕氣涼轉添流螢點魚鑰隕葉近蝦簾羅衣  
舊恩賜不令珠淚霑

投壺隨筆新喻梁孟敬先生作玉階怨樂府云云  
拳拳不忘舊恩可謂怨而不怒者

張翼

亦作翬

字翔南建德人徙居嘉興至正乙巳舉於鄉

吳元年徵入禮局告歸

### 西湖竹枝詞

南高北高峯頂齊錢塘江水隔湖西不得潮頭到湖口郎  
船今夜泊西溪

西湖竹枝集早有詩名觀其詩知其人矣

忠徐倡詩

西神峨峨雖孽蔓乘兵塗吐膏國武乏興暗爾尸素營賄  
朋城弗典守妖狐凌彼章縫之徒冠倫魁能蒲伏誓服倒  
授太阿謙以承天廓不白暑雨冰網常淪穢綫絕罔憑胡  
爲優徐倡冶容倚市矜鬢妖驅之俾侑樂頰玉肆晉無陵  
競噤謳褫舞餘怒鬢植鬢髻鉛爲鋼刃割膺載營霸灼上  
升顧守臣鉅儒汗惡銜愧死莫懲二儀磅礴忠義氣猶出  
下里孰可仍桓桓執夷徒乃反經溝塍爾倡丹衷燭日月  
易粉黛譽聲繩繩汗瀆流回清激

輟耕錄至正壬辰秋邊寇陷常州守吏望風奔潰  
徐婦倡者寇命以佐燕乃憤言弗從竟刺死之未  
幾江浙平章定定來尅復儒流吳寅趙君謨等以  
從逆伏誅嘉興張翊南翼作忠徐倡詩以白於世



丁鶴年以字行一字永庚西域人明永樂間卒有海巢

集

仰山陸錄常卜日葬其父雨至十日不止鶴年仰天悲泣翼日雨止葬畢雨如初時兵亂後失母墓所在悲慕深切夜夢母告以葬所鄰翁韓重者亦夢焉即其地求而得之見母屍正中一齒如漆復嚙指血試之良驗人呼丁孝子

題鳳浦方氏梧竹軒

鳳鳥曾聞此地過至今梧竹滿邱阿政懷翦葉書周史却恨翻枝入楚歌金井月明秋影薄石壇風細晚涼多中郎去後知音少共負奇才奈老何

歸田詩話作者已滿卷此詩一出皆爲檢祚

逃禪室與蘇伊舉話舊有感

不學揚雄事草元且隨蘇晉暫逃禪無錐可卓香巖地有  
柱難擎杞國天謾詫丹霞燒木佛誰憐玉露泣銅仙茫茫  
東海皆魚鼈何處堪容魯仲連

句

行蹤不異臯東徙心事惟隨雁北飛

歸田詩話方氏據浙東深忌色目人鶴年畏禍遷  
避無常居有句行蹤云云識者憐之又逃禪室與  
蘇生話舊云云感時書事而鍊句精緻如此

張簡字仲簡吳郡人自號白羊山樵

醉樵歌

東吳市中逢醉樵鐵冠欹側髮飄蕭兩肩矻矻何所負青  
松一枝懸酒瓢自言華蓋峯頭住足跡踏遍人間路學書

學劍總不成惟有飲酒得真趣管樂本是王霸才喬松自有煙霞具手持崑崗白玉斧曾向月裏斫桂樹月裏仙人不我嗔特令下飲洞庭春興來一吸海水盡却把珊瑚樵作薪醒時邂逅逢王質石上看棋黃鵠立斧柯爛盡不成仙不如一醉三千日於今老去名空在處處題詩償酒債淋漓醉墨在人間夜夜風雷起光怪

藝苑卮言當勝國時法網寬人不必仕宦浙中每歲有詩社聘一二名宿如廉夫輩主之刻其尤者爲式饒介之仕僞吳求諸彥作醉樵歌以張仲簡第一季迪次之贈仲簡黃金十兩季迪白金三斤續吳先賢讚師事張伯雨爲黃冠張氏之亂反服養母饒介嘗延諸客授簡使賦季迪孟載方緇思簡已就篇衆推第一介贈黃金一餅

## 鬻石篇

山中學仙人斷穀自有方  
泌水生石精鬻之以爲糧  
候火中夜起松材襲馨香  
切以昆吾刀間以瓊莖漿  
長年尙服食玉體生光芒  
一朝凡骨換白日凌風翔

西湖竹枝集雲邱道人詩工韋柳翰墨無俗氣而暗合書法自詩名益著而字畫因之而並行詩名有如鬻石篇云

陳有定一名友定字安國汀之歸化人官至福建行省平章政事遂據閩中明兵至被執送京師死

送趙將軍

縱橫薄海內不愴別離顏  
幾載飄零意秋風一劍寒

被收作

失勢非人事重圍戟似林  
乾坤今已老不死舊臣心

筆精陳有定元末倡義勤王太祖恨其不歸附置之重辟有定雖起行伍而亦能詩送趙將軍云云及被收之後作詩云云

張憲字思廉山陰人別號玉筍生張氏據吳辟爲樞密

院都事有玉筍集

列朝詩集吳亡走杭州寄食報國寺旦暮手一編人不得窺死後視之其平生所作詩也

岳鄂王歌

君不見南薰門鐵爐步神矛丈八舞長蛇雙練銀光如雨  
注又不見鐵浮屠拐子馬斫鏑鋼刀飛白霜貫陣背鬼紛  
解瓦義旗所指人不驚王師到處壺漿迎兩河忠義望風  
附襄鄧荆湖唾手甯朱仙鎮上馬如虎百戰經營心獨苦  
賜環竟壞廻天功捲旆歸來臥樞府錢塘宮殿春風輕嬌

兒安晏醉未醒徒令功臣三十六舞女歌兒樂太平虎頭  
將軍面如鐵義膽忠肝向誰說只將和議兩封書往拭先  
皇目中血將軍將軍通軍術君命不受未爲失大夫出疆  
事從權鐵馬長驅功可必功成解甲面丹墀拜表謝罪死  
不遲惜哉忠義重山岳智不及此良可悲嗚呼肆讒言  
毒手申王心循王口斫王湖上乘驢走五國城頭帝鬼啼  
胡兒相酹平安酒

玉筍集劉鈺序余嘗於精忠錄閱先輩張思廉所作詩歌其詞氣抑揚感激所以爲王自處而表其忠烈者曲盡無遺

二月八日遊皇城西華門外觀嘉拏弟走馬歌

春風壓城紫燕飛繡鞍寶勒生光輝軟沙青草平似鏡花

雨滿巾風滿衣潛蛟雙綰玉抱肚朱鬣分光散紅霧金龍  
五爪蟠彩袍滿背真珠撒秋露生猿俊健雙臂長左脚踢  
鐙右蹴韁銅鑲四扇遶十指玉聲珠碎金琅璫黃蛇下飲  
電掣地錦騰打兔起復墜袖回突兀鞍面空銀囊駝囊兩  
邊綰西宮綵樓高插天鳳凰繚繞排神仙玉皇拍闌誤一  
笑不覺四蹄如迸煙神駒長鳴背凝血郎君博面醉眼纈  
天恩翦下五色雲打鼓歸來汗如雪

玉筍集原評嘔出錦心可與桃花爭奇決非驢上  
詩人語也

### 戲贈乍浦稅使歌

千年四月雨如竹錢幣不行百姓哭故人走馬初上官日  
日誅求征稅足今年四月雨如箭海賊東來船著岸土兵

東山百姓空商征不成官吏散故人本是西河夫殺賊得  
官心氣懣懣何臨難乃無勇不敢東向鳴桑弧君不見彭  
城劉寄奴長刀獨戰今非無

玉筍集原評詞氣豪宕可以激立頽靡

### 酬海藏主紙扇歌

海一漚氣骨有似生驪駒凡韁俗絡羈不得西望八駿瑤  
池游終焉不遂志屏棄妻子祝髮爲比丘遨遊名山川脚  
趺不肯休誓絕俗士交有語常不酬西來貽我白紙扇滿  
灑不畫三湘秋雙石相對峙不壓長江流上有禿髮翁踞  
坐披羊裘手垂獨繭絲下掛直鐵鉤其意不在鱸與鮒涼  
風從西來短髮吹颼颼故人位九五駕六龍垂冕旒諫議



亦好官視若囹圄囚作書罵丞相傲氣凌公侯天星徹夜  
開帝座疑有憂胡爲太史公仰觀勞心晡偶然共臥伸一  
足誤壓天子腹奚足尤飄然納爵去天子不可留清灘七  
里水如玉上縛草廬下艤舟有時耕白雲鞭青牛何庸圖  
像南宮樓我今把釣釣臺去海漚此意知我否海漚此意  
知我否

玉筍集原評此篇亦似生馬悍氣不可羈也知此  
僧不凡

槎洲歌

明珠洲水西行九萬七千里上直箕尾通銀河洲中之地  
三萬六千頃下有登天貫月槎洲旁瑤草白似雪瓊林大  
樹高可五百尺樛枝的礫璚瑰葩人間百世始一日何有

寒暑歲序白兔隨朱鴉家鷄曉啼朝陽九苞鳳家犬晝戲  
于闐獅子五色石盤拏雪龍切鱸色奪日月露注酒光燦  
霞白石髓青胡麻王母蟠桃七顆碧玉斗安期大棗五尺  
青銅瓜明星之精化作老仙降槎上手揮白鸞尾身坐白  
鹿車長髮晞綠水童臉浮丹砂西方康胡跪進酒南極丈  
人來獻花蓬萊散仙遣以照書杖大瀛海伯真以黃茅芽  
明星翁壽何遐樂無加時呼鐵崖老仙友西渡弱水逾流  
沙杖拄青螭蛇橋踏金蝦蟆五城十二樓到處皆爲家淋  
漓宮錦袍倒著青綸紗桑田東海不足較麻姑三見何庸  
誇明星翁樂無極壽無涯吹笙駕鶴一去五千載歸來重  
醉槎頭槎

玉筍集原評此又於賀體離而去之掉辭拏韻所謂橫絕颺起者

### 橘洲行

太湖之水分三支注爲長泖東去無已時泖灣之口有大橘一樹盤盤蔭門楣里鄰呼爲橘洲衆所知洲之上橘之下矮屋六七間皆茅茨孝子萬生三世以來皆居之生衣無綾錦華食無肉作糜讀書談道操履步步以古哲自砥不肯苟爲堂有老親白髮垂必須甘旨備二膳家貧不常得十年客寄爲人訓其兒所得金悉以爲奉母資母病下痢不能自潔生即棄業歸取中裙漚浣穢手奉虎子晝夜伺母不使床席沾淋漓母有女贅狼壻不識孝義惟務利日思剝取生家資甚至湯藥之費亦來掊剋生即與之無

客詞惟恐致剛傷母慈使母不得瘥以陷終天無窮悲卒  
能護持母病無恙以終天年之壽期噫吁嚱橘洲之水清  
且漪橘洲之橘碩且飴飲洲之水食洲之橘誰無父母思  
嗟哉萬生孝義今古稀我詩直欲追韓奇

玉筍集原評此篇步驟全是老韓想見萬孝子不  
在董南下也

### 縛虎行

白門樓下兵合圍白門樓上虎伏威戟夫不掉丈二尾袍  
花已脫斑斕衣摔虎腦截虎爪眼中視虎如貓小猛跳不  
越當塗高血吻空腥千里草養虎肉不飽虎饑能噬人縛  
虎繩不急繩寬虎無親座中叵測劉將軍不縱猛虎食漢  
賊反殺猛虎生賊臣食丁食卓何足嗔

歸田詩話張思廉作縛虎行云云記當時事調笑可誦思廉有詠史樂府一編皆用此體

陳秀民字庶子溫州人一云嘉興人張氏時爲叅軍有

寄情集

寄紹興呂左丞

後來江左英賢傳又是淮南保相家見說錦袍酣戰罷不驚越女采荷花

輟耕錄張氏據有平江部將呂珍守越叅軍陳庶子饒介之在左右一日陳賦此詩饒染翰題扇以寄呂詞翰幾絕呂倩人誦罷大怒曰我爲主人血戰守封疆豈愛一女子不忍驚乎見則必殺之

陳基字敬初臨海人受業於黃潛從至京師授經筵檢

討有夷白齋集

續吳先賢讚張士誠受元太尉以基參府事及其謀自王也乃獨諫止之謂當且需時者遂命以內

史領學士院凡軍旅文符書檄悉委之士誠無大略不知攻取勢遽晏安徒好文爲故時有命篇諸人與相和歌亦曾無巢幕及燼之慮及與同覆基既俘乃蒙宥俾修元史成放還吳卒

### 舟中看虞山有感

一望虞山一悵然  
楚公會此將樓船  
開關百戰捐軀地  
慷慨孤忠罵寇年  
填海欲銜精衛石  
驅狼願假祖龍鞭  
至今父老猶垂淚  
花落春城泣杜鵑

別朝詩集此詩爲張士德被擒而作余別有記甚詳孤忠罵寇亦指斥之詞也

### 桂林謠

廣寒宮前秋色老  
杪羅子結虬枝杪  
剛風吹顫玉蟾蜍  
丹枝經霜香似掃  
雪貌持杵敲丁東  
驚落瑣璣銀闕空  
羿妻嬭居不遑惜  
蚌胎撒下塵寰中

拜經樓詩話世傳天竺中秋夕往往有月中桂子飄落惟至正壬辰落在九月十五夜半陳敬初爲賦桂林謠云云

## 卞元亨

### 絕句

牡丹曾是手親栽  
十度春風九不開  
多少繁華零落盡  
一枝猶待主人來

茶餘客話卞元亨元從張士誠屢諫不聽歸隱海濱明太祖平吳後屢徵不出作詩有恐使田橫客笑人句明祖怒遣戍遼陽將行以酒醉牡丹曰待我南還花再開自是花果不開妾棲息園中朝夕對花祝云主人有還信當再開花如是十年花忽大放元亨果遇赦還復作詩云云

## 方行字明敏黃巖人谷珍子有東軒集

詩談黃巖方行寧海許繼皆鐵中錚錚者

句

採窮江海無靈藥歸到驪有山有劫灰

登秦住山

藝苑卮言參之貞元長慶亦無愧色

孔從善字

永嘉人

續龍爪石壁題句

萬里西風起馬蹄金戈回日塞雲低未爲豫讓先亡趙欲  
効田單獨報齊怪石有痕龍已去落花無主鳥空啼至今  
天與英雄恨嗚咽泉聲下札溪

列朝詩集方行以元義兵萬戶守昱關與明兵戰不利退守札溪題怪石落花一聯於石壁遂自刎孔從善爲足成之云

劉仁本字德元天台人元末進士官江浙行省左右司



郎中佐方谷眞謀議有羽庭詩稿

續蘭亭會補叅軍劉密詩

并序

庚子春仁本治師會稽之餘姚乃相龍泉之左麓州署之後山得神禹秘圖之處水出巖罅潄爲方沼疏爲流泉卉木叢茂行列紫薇間以竹簞彷彿乎蘭亭景狀因作零詠亭以表之合甌越來會之士得四十二人同修楔事取晉人蘭亭會圖詩缺不足者各占其次補四五言各一首因曰續蘭亭會云

陽春沐膏澤草木生微暄靈圖發幽祕感此禹迹存衣冠繼芳集臨流引清樽性情聊自適理亂復奚言

列朝詩集至正庚子仁本治師會稽之餘姚州作零詠亭於龍泉左麓彷彿蘭亭景物集名士趙俶

謝理朱右天台僧白雲以下四十二人修禊賦詩  
仁本自爲之序焉

謝理字

南陽人官都事

續蘭亭會補侍郎謝瑰詩二首

東溫散晴旭灌水浮嘉陰良辰事修禊我友欣盍簪方池  
注清流可以濯煩襟一觴復一詠暢情忘古今

王霖字叔雨括蒼人官浙江行省樞密院都事

續蘭亭會補王獻之詩二首

華髮宴餘春微風宿雲散蘭皋野氣芳桐岡日初旦羣賢  
集崇邱臨流水光渙酌酒清湍曲俯泉慨長歎

諸綱字

人官蕭山教諭

續蘭亭會補府曹勞夷詩二首

叢木翳林薄，構亭俯澗濱。旭日散晴彩，光風媚芳春。臨流轉輕觴，於以樂嘉賓。詠歌意自適，酣暢趣益真。茲游敦所尚，庶足酬令辰。

徐昭文字秀章，上虞人。官平江儒學學正。

續蘭亭會補府主簿后綿詩二首

茲辰天氣佳，駕言寫我憂。衣冠盛良會，被袂俯長流。川容澹疎雨，樹色翳崇邱。清風接千載，復此逍遙遊。

鄭彝字元秉，餘姚人。

續蘭亭會補山陰令虞國詩二首

夙駕稅幽麓，泛醴循流瀾。芳蕤被巖瀨，葩萼耀林端。靡靡時運近，期焉撫嶺岏。主欣遠賓集，陶然有餘歡。

張溥字

餘姚人官嘉興路經歷

續蘭亭會補鎮國大將軍掾卞迪詩二首

茲辰暮春初散策臨泉石雲渠引微波浮觴薄前席伊人  
既已去古今同一適睠茲修禊地遙岑澹空碧

靜志居詩話左司結續蘭亭會與者四十二人今  
名氏未能悉考詩僅存者左司而外都事謝理補  
晉侍郎謝瑰鄉貢進士趙俶補參軍孔盛蕭山主  
簿朱右補餘杭令謝滕帥府都事王霖補王獻之  
蕭山教諭諸綱補府曹勞夷平江儒學正徐昭文  
補府主簿后綿祕圖隱者鄭彝補山陰令虞國嘉  
興路經歷張溥補鎮國大將軍掾卞迪天台僧自  
悅補任城呂系四明僧如阜補任城令呂本東山  
僧福報補彭城曹諲詩皆醇雅絕類晉人事在至  
正庚子後九年始建元洪武諸君惟俶及右仕明  
案以上七人詩皆二首錄一

吳徹字文通崇仁人

西山夜雨

莫厭西山夜雨多也應添起洞庭波東風肯與周郎便直上金陵奏凱歌

明詩綜爲陳友諒用事嘗偵太祖軍被獲命誅百馬圖黥其面目爲詭譎秀才又賦西山夜雨云云

芝麻李

平胡錄蕭縣人李二號芝麻李以燒香聚衆與其黨趙君用彭早住起淮安攻陷徐州元兵破徐州芝麻李遁趙君用彭早住走濠州庚申外史芝麻李者邳州人也值歲饑其家惟有芝麻一倉盡以賑人故得此名

題留連亭

憶昔曾爲海上豪騰脂馬上赤連刀此地斬分陳總管彼時斫斷莫軍曹固知今日由天定方信當年漫自勞英雄

每無常在戰袍著盡又方袍

壘起雜事芝麻李之遁也髡髮爲頭陀僧及天下  
既定遊徐之永固河河上有留連亭李徘徊久之  
乃題一筆云云三歎投筆而出乃有翁方且以舟  
檣岸見李發歎問其故李泣下謂曰我即蕭縣李  
二也此翁亦流淚不止自陳其由所謂湘鄉賊鄧  
文元也避難詭姓名作渡於此二人沽村酒酌之  
話昔曰之強梁傷今日之狼狽闖者爲之感歎